



Auszlegung vnnd grundt Des Eyn Zwe Drey vnd Sechtzigsten Artickels Herrnn Vlrichs Zwinglicks von Zürich. Von dem Priesterthumb.

<https://hdl.handle.net/1874/425358>



**Auflegung vnnnd
grundt Des Eyn**

**Zwe/Drey vnd Sechzigsten
Artickels Herrn Ulrichs
Zwinglichs von Zürich.**

**Von dem Prierster-
thumb.**

M. D. XXIII.

Breslau.

Der ein vñ sechzigst articel Herrn Ulrich Zwingligs
von Zurich. Von dem Priesterthumb.

¶ Von dē character des die Priister in dē letstē zeitē sind
inne wordē/ weyß die götlich gschrifft nichts.

Character ist ein Kriechisch wort / vnd kumpt von
charatto / dz heyst krazen / reysen / außstechē / oder auß
graben. Vnd heist character als viel als ein eingraben
mōl oder zeichen. Davon redent die Cappētheologi al
so. So man einen zu ein priester weyhe / werde in seiner
seel ein zeichen gekreuzt oder gerissen / Das nymmerme
dorauff möge brocht nach abgetilget werdē. Diser kraz
oß zeichen ist in der götlichenn gschrifft niendert an
gezeigt / außgenōmen Hebr. 1. da steth wol in Krieche
isch character / aber gar nicht der meinung wie die Kap
pentheologi dar von reden. Vnd ob gleich die Apostel
auff die / die si zum predigen geordnet haben / yr hende
habē vffgelegt / ist doch des selbig nach gemeinē brauch
der menschen geschehen / die pflegen trew vnd glauben
vnd empfelch zu nieren vrkundt mit einē handtschlag
zubeweisen. Noch findestu dar bey nicht das sie etwas
von dem vnabtrillichen kraz reden / sunð du findest
noch auff die zeit Hieronymi (der auch etliche diaco
nos / das ist / diener beschelcket / vñ also rabgestoßē sei /
schreibet) das / so einer nūmer zu dem ampt des dienens
geschickt was / so was her nicht mehr eyn diener /
vñ wird des characters nicht gedacht / sunð wen man
in absties / so was er nicht mehr an dem ampt. Doraus
wir ermessen das sy die priister schaffe für ein ampt han
gehabt / vñ nicht für ein wirde oß iūckerschaffe. Gleich
als so einer ein Burgermeister ist / so versicht er sein äpt
vnd erkent das es ein ampt ist / das man aber ym ehre
dortzu entpemt / kumpt von dannne das er sein ampt
recht versicht

recht versicht / so bald er das nymmer versicht wie es
gehört / so stößt man in ab / den so ist er nimmer Burger
meister. Also ist es priester sein / nicht anders denn eyn
ersamer verkünder sein des worts gottis vñ ein wäch
ter zu dem heil der seelen / thut einer das so kumpt eers
entbietung hernach / thut er das nicht / sol man yn von
dannen stoffe / so ist er denn nimmer ein priester. Den
wie mā eynes Burgermeisters nicht darff / der nur wol
te eyn iuncker sein / vnd zu gemeynem fride vñ d̄ gerech
tigkeit auffenthaltung nicht wachen. Also darff mann
der nicht / die nur alleine darumb priester seind das sye
mutwillend vñ den erlichen namen tragen. Den Chri
stus hat die iunger ausgeschickt als botten vñ inen em
pfelch geben. Welcher nu nach heutbetag das empfelch
Christi treulich verhandlet / der ist an der statt der bot
te Christi / welcher das nicht thut / ist nicht an der stat /
ist auch nicht priester. Also volgt das priester sein ein apt
ist / nicht ein wirde / Vnd das der character erst von den
mateologis ertichtet ist. Es sey den das sie sich des cha
racters anemē wollen mit dē die diner d̄ bestie bezeich
net werden. Apoc. 13. vnd. 14. Hir wißfichtet nicht
das sie von den auflegen der hende herein zihend. 2.
Timo. 1. denn do selbst redt Paulus von den zeichen
oder branch / den die Aposteln zur selbigen zeit hatten /
das si mit auflegen der hende als mit einem zeichen dē
heiligen geist gaben. Welchs geben doch nicht der A
posteln was / sunder des einigen gottis / wie vor auch
genug ist angezeigt / wiewol vns gott so fruntlich ist
das her etwan sein werck vns zuschreibt. Noch denckte
er keines vnabtiglichen characters.

¶ Sy erkennet auch keine priester denn die das wort gottes verkündigenn.

¶ Eyn priester/eigentlich zuredē/ ist nicht anders denn ein alter oder ersamer oder ernsthafter. Darüb sol man in allen pfarren oder kirchferthen die eldesten/züchtigesten/ernsthafftesten außlesen/als Paulus leret Titū. am .1. Das aber zu der Apostel zeitten Act. 6. sibenn diener erweilt seind/seind sie darumb nicht priester genent/sie habenn denn das wort gottes verkundet/das auch Paulus .1. Timot. 5. spricht Die althen die ein gut beyspil vortragen/die sollen zweyualtiglich begabett werdenn/Mag auch nicht bewerenn das keine andere priester seind gewesen denn die prediger/denn er redt da selbst von den althen mennern die von den kirchengütern erhalten wurden/von denen redt er/das man den althen noch einest als viel mittheylen solle/darumb one zweiffel/dz dz alther werloß ist/Er spricht auch gleich drauff/Zuorauß die da arbeiten in dem wort vnd in der lehre/Also laß ich hie gern priester sein die bey der kirchen leerenn/die so das wort gottes verkünden/die so die Kriechisch vnd Hebraisch sprache tollmettschenn/die predigenn/die erzneien/die die Krancken heimsuchenn/die die hulff vñ almusen den armen außteilen/die speyßen/denn diese stücke gehozenn alle zu dem wort gottes/Aber die andren gots yuncfern kent keine gotliche geschrifft/sie sagen was sie wollen/Es sey denn die die da spricht der Bauch ein got ist/Philip. 3. süß sie seind gleich als die trenē in den binkörben/weliche/dz so andere mit arbeit vberkūmen/mit ruw verzehend.

Der drey vnd sechzigst artickell.

¶ Denen heißet sie eer entbiethenn/das ist leipliche narung zu dienenn.

Christus erlaubet seynem Botten das sie mit denen
essenn / denen sie das Euangelion verkunden / Luce. 10.
Ihm selbigen hauß wöndend essende vnd trinckende dz
sie euch geben (ta par auto:) den der arbeiter ist seines
lohns würdig / Paulus ist der meinung .1. Cor. ahm .9.
Wissend ihr nicht das die in dem tempel dienenn / auß
dem tempel essenn / Vnd die dem altar anhangenn /
die teyllenn mit dem altar. Also hatt auch gott geord-
net denenn die das Euangelion predigenn / von dem
Euangelion zu leben / Wie wol ich das nicht gebraucht
hab / Sie brauchenn ettliche messknechte denn erstenn
teill dieser gleichnus ynn ihren sack / sprechen / Da sichte
mann das wir tempel vnd altar diener / von vnserem
dienst lebenn mögenn / Antwort / Lieben messknechte
besehend ym den kopff das / es ist ein stockfisch / denn d
erst teyll gehet euch nichts ahn / sunder das erst teyll
dieser gleichnus / ist genömen auß dem brauch des altē
testaments / das noch zu den selbigen zeiten bey etliche-
enn Jude gebraucht ward / ob sie gleich gleybig warē /
Dis ist klar an dem wort das ehr darnoch spricht / also /
denn welcher redt also thu yhm auch / der hatt vorhin
ein muster odder vorbildt angezeigt / nicht das ehr das
vorbildt da mit bewerenn odder rühme / Wie Christus
auch gebraucht hatt / mit dem vorbildt des schaffners /
der sich vor ehe er abgestoffenn wurde / mit den schulde-
nerern seines herren listiglich vñ vnredlich vertragen
hatt / Da wil Christus nicht dz wir auch vnredlich mit
vnseren nechsten etwas sollen handeln / sunder ehr wil /
seind die menschen so fürsichtig das leiblich leben zu
erhaltenn / das sie ynen selbes vorbereitenn kōnnē wo
sie bleibenn mügen / vil mehe sollenn die so des ewigen
lebens begirig seind / ynen selbs fursehen das sie sich mit
zeitlichem vergenglichem gut nicht versundigē / sunder
2 in das selbig

das selbige hingebē 3 armen inn seinem namē / so werden sie darumb in die ewigen wonungen zu herberg genōmē. Also wil hie Paulus nicht lern das man die messknecht also messen solle / sunder sein menung ist. Sehet an die Juden die ir gesetz der cerimonien noch gebrauchend (Die er darnach im . 10 . ca . nennet die fleisslichen Israel) die haltend es also / das die dem alter dienenn vom altar yrhe narung nemen. Also / (sichstu du hie dē andren teil den er leren vnd einfürē wil) Also hat auch gott verordnet denen die das euangelion predigen / das sy dorvon lebenn.

Item spricht Paulus . 1 . Tim . 5 . dz die priester so dē wort vnd der lere gottes ablegen / sollen vor allen zwiuvaltiglich geeret werden / wie obstat. Aber die feisten remler vnd starcken stier haben die armen arbeitenden oxsen von der krippen geschōcht. Wsich die reichē äpt Pröpst / Thumbherren / Korherren / so findest du hupsch ding. Die nemenn den fromen hützen vnnnd wächteren gottes die zehenden vnd fruchte hin / vnnnd setzen sy denn erst den armen pawren über den hals / geben ym entweders gar nichts oder doch so wenig / das man kait ein saw doraus möchte messen. Was sol denn der arme pfarrer thun (Dy wider zu somen noch zusehē nicht söllend) doch nemen söllich conditionen oder verding etwan an / Er hebt an auff iartzeit / begangnussen / selzedel / beichtgelt / selgerät / oppfer / altar vnd kirchweih / gepetsamen / mess lesen zusehen / ob er sich in diesem gestud gewēiden möchte / denn in die frucht lest man yn nicht. Darauß seind vns die zunselwerck entsprungen. Die nicht arbeiten die seind voll. Die aber arbeytē / wollen sy nicht hunger sterbenn / müssen sich ligens erneren. Sie ist ein so grosser schädlicher mißbrauch vnder dēgeistlicheß das man wol ein besunder buch dorffte darvon schreiben

von schreiben/denn die mutwilligen feiste pffarhyn /
die leben noch iren eignen rechten nicht/vnnd treiben
sölllichen mutwillenn mit incorporieren / das inen deñ
der Bapst vnd die Bischoff alles gestatten/dz auch got
weinē möchte. Aber yr fromen Christenn erhalde ewr
verkünd des Euāgelij anesolche altpülffer stuck/so wer
den ir vil von der stockmesterey abste/vnd das lauther
wort gottes in die hend nemen/denn yr vil sprechend:
Ach gott wie sol ich ym thuē/hab ich das opffer nicht
so bin ich verstorben. Ich sag auch dorbey wo ein pffarrer
nicht zimliche narung hat / das man im nicht alleyne
opfferen / sunder narung geben schuldig ist. Wo man
aber ander gaben hat/sol man den menschen nicht das
opffren furhalten sam es etwas vermög dorüb das es
eyn opffer sey/denn das opffren ist nichts anders denn
eyn goße dē lerenden/hat man die an das opffren / sol
mā die kirch ader schoff nicht zweualtiglich beschwerē.
Doch sol man in allen dingen ergernis verhütten/vnnd
das werck gottes von der speise ader zeitlichs guts wil
len / nicht entledigen. Roma. 14. Dieser kundschafft
ten ist genug. A M E N

Lyons 7

746150

A large block of text, likely bleed-through from the reverse side of the page. The text is extremely faint and illegible due to fading and the quality of the scan. It appears to be organized into several paragraphs, with some lines starting with capital letters.